


南寧府志

地 340.11
136
2/216



宣統元年仲春重刻

南寧府志

羊十
城七
甫澄
天閣承印

續纂官紳名表

左江道紀堪謹

南寧府方培愷

宣化縣吳永治

紳董

韋朝冕

劉應昌

雷廷璜

雷先春

梁書雲

雷鏡蓉

韋文蔚

重刻南甯府志序



府志自道光丁未年重修至今已閱五十餘年之久其間治亂沿革以及風俗之變遷人材之輩出亟應續修補刻以昭於來許惟事閱五層於採訪籌款諸端未易急就屢議屢廢前數年我宣化款自行續修縣志以爲之倡又因別故半途中止查郡城內外自疊遭兵燹祇

南甯府志序

一

存府志二部篇簡渙多殘缺誠恐過此以往即碩果僅存者並歸漸滅志乘益無稽矣茲特由宣化籌款將舊府志付東省書坊用燕石翻刻印刷壹百部若於科舉項下續報宣化自道光三十年以後之科舉志書成之日分存各家以立後日續修之基礎是爲序

宣統元年歲次己酉仲春穀旦謹識

叙

嶺南五莞而邕莞為最重南寧即古邕
州治也自漢馬文淵嬰鏢興師者定交
趾而伏波一廟獨在橫州素當日銅鼓飛
鳶明珠羨首其即在十萬大山內外乎
降此而黃家洞宏昌黎柳州所記与邕
莞隔河對岸則自唐以前其荒陋蓋可
知也迨乎元夕張燈崑崙夜度而武功赫
著焉海棠書院館設浮查而文教聿興
焉王文成安撫思田平寇勒碑談兵講
學有文事者必有武備為理學即為功
勛誠千古之偉烈欵凡此者皆重有賴于

志乘南寧之有志不知始于何年攷之
舊志但云翻刻者再矣自明季游經兵
燹板蕩流離而此志遂同遭焚劫乾隆
初年郡守蘇君慨然有修復之志旁搜
遠討網舉目張續墜緒之茫、徵文獻
于既往越三年全書告成而邑南之文物

二

典章乃班、可攷迄于今又百有餘年矣
乙巳秋余奉檄權守是邦既與宣化
柳明府諸君勸捐修造城垣事竣而府
志一書不但片板無存即士紳家藏舊本
亦屬寥寥又或守缺抱殘視為珍秘若更數
十年并此殘缺之舊本亦歸散失豈不更

為憾事乎余愧凡史才無以遍地鮮書籍
無可參校意欲將舊志重為翻刻其自
乾隆七年以後職官選舉節孝執文等志
續為纂入乃各屬蒐采未全而余于丁
未冬仰承

簡命

三

擢守

因中有志未就猶幸舊志翻刻已完其
增修編集之事當移交後任續而成之
人之好善誰不如此我當必有宏才碩彥執
筆而輯成全書者是余所跂望也將行
為叙其顛末于簡端

道光二十七年歲次丁未仲冬既望署理

南寧府事蕭山何鯤書于雙梅堂



原序

省有通志志奚爲又作於郡蓋省志僅舉大綱事從其略繁稱博引必郡各自爲志而後詳粵西省會曰桂林去京師七千里而遠而南寧爲其屬郡在桂林西南又不下千有餘里地界邊隅叢錯三十六崗獠蠻雜處民亦鮮有土著聲名文物宜若無足紀者然自嬴秦以來久隸中國漢魏爲鬱林台浦隋唐爲尹州邕管建牙置帥以鎮左江且其險塞之形雄視諸郡藩籬肘腋水陸交衝又烏可以無志哉乃昔之官茲郡者咸置爲末務以爲無

南寧府志

原序

足重輕是豈鄙夷其人民而漫忽其疆土歟夫亦才識之疎而力有所未暇及也淮陰蘇君士俊來守是邦於其政治之餘徵文考獻彙成一書凡五十六卷讀是編者見崑崙五象諸山孤撐橫截則馬伏波之駐兵狄武襄之破賊王文成平南石刻之所在必備述其事也紀其流風善政則李巨山李習之范旻陶弼諸前賢之遺澤猶在人間也關隘有稽道里可按則外控交趾內接滇黔近通廉欽以達於東省而商賈之往來寇盜之防禦可考而知也葺籌邊之樓修浮槎之館雙梅遺種孤鶴

高騫皆足以寄遊觀供讌賞而抒懷古之情者也凡此皆通志之所不及詳而郡乃得備志之則是書又烏可已哉至於增築城隍創立祭產則又保疆固宇崇德報功尤爲經理之實心而昭垂於久遠余更於簡編之外有以賞識其治行之賢明矣特是書未闌入安南或者不無附贅懸疣之議余曰在昔炎漢之時西域南夷均未內奉正朔而班史竝爲之列傳庸何傷然是當附於省而曷爲附於郡曰志以傳信近乃有徵連而及之以其土壤之相接也是爲序

大清乾隆八年歲次癸亥正月上浣

太子少保一等承恩公領侍衛內大臣兵部尚書兼都察院石副都御史雲南總督署理廣東廣西等處地方軍務兼理糧餉加三級紀錄十二次三韓慶復書於端溪官署

原序

南寧丙聯欽浦外控交夷鎖鑰滇黔千檣雲集省西南一大都會有監司重鎮在焉秦漢以來爲駱越爲桂林象郡爲邕管朗陵永寧皆其地也其間標名勝樹奇偉者代不乏人余嘗考之史傳徵之通志欲求柳子厚馬退山亭澗不可得而夜半度崑崙平蠻碑記武功赫濯想見狄武襄之遺烈若夫建敷文書院日進諸生從容講論釋夷民縛化洽百蠻王文成之聲教猶有存焉者歲己未山陽蘇君來守是邦見郡志舊本之缺略以修輯爲已

南寧府志

原序

三

任閩三年壬戌季夏書成以稿本眎余余嘉蘇君政治之可觀而又喜其屬詞之有要夫苟於治道人心無所補雖多著作奚益今其志也發凡起例綱舉目張有聞於昔未之或遺獲善於今無所不闡山川關隘按圖有尺幅千里之奇賦役兵防考數得今昔異同之故憲章典則博採舊文懿行嘉言蒐羅遺蹟溯源於文章詩禮不徒耀橫戈躍馬之勲樹防於忠孝廉隅用永昭立懦起頑之化其有裨於治道人心豈淺鮮哉夫知民風土俗而後能因地制宜溯往烈前猷而後能乘時調劑是編

既成可以翼通志之未載可以備石渠之採擇豈徒南寧一郡之全書哉爰書數言弁其端俾付梨棗以詔來茲卽以勗蘇君云爾

撫粵使者楊錫紱譔

原序

古者采十五國風以觀民俗之所尚貞淫奢儉若
燭照數計靡有遁情在國有史在郡邑有志實相
表裏顧荒徼僻陋文獻闕如采風者之憂守土者
之責也邕州於全粵爲肘腋地內扼崑崙外控交
趾江之流山之峙貢使不絕估舶相望稱重鎮焉
我

朝版章孔厚德化洋溢邕雖越在邊末而聲名文物
有中土風卽山陬犛獐亦無不喁喁然延頸舉踵
漸被文教其間衣冠之表著物產之殷蕃與夫忠

南寧府志

原序

五

孝節義之可以使人觀感者皆不可任其湮沒而
弗傳也郡守蘇君慨然以爲已任因裒集散佚考
訂訛異標爲志凡十別爲目凡八十旣成捐貲付
剞劂氏而一郡之形勝故實若指諸掌矣且夫志
乘之作匪直邦之文獻賴以不墜也星野氣候可
以察機祥關津道里可以識夸險田賦戶役可以
酌盈虛物土之宜習俗之異可以準作息而權因
革然則是書也固爲政斯土者所必資而上有裨
於體國經野之計者也區區志乘云乎哉

督學使者沈懋祖書

原序

余讀李奉禮黃家洞之篇考諸昌黎柳州所記洞與邕管隔江對岸而客則去之較遠貞元徵兵宿師諸管並進篇中所云客州槎者正錯舉其事而說者每不知槎之所指今以南交之語證之始得確解惜爲方言釋名之所不載而西泉箋註亦僅付之信疑之間是則雕題鑿齒又烏可以無紀載乎邕管卽今所謂南寧也地處邊鄙非若九則之有墳可望而識其疆理固已曩然闊絕後更明滅變遷於霸史雜史之間颼颼啤音蒼煙宿莽湮沉

漸滅其可指而跡者蓋已寡矣掌故之存邈乎其遠琤編祕策不至幽遐蛾蠹之鄉三秬獮祭無所是資欲與敏求李琮輩角長鬪勝未覺其鼓希轍亂者難矣然類而列之經星分野區域之廣摯虞陸澄野王之遺也川流山峙則羅含所記道元所疏溯源析委者其跡可求也田賦征輸三山財計之有沿革關通也官師人物職官分紀衣冠盛事與益部襄陽之耆舊也風景氣候歲時物華之紀麗也顏垣夷兆琳宮別墅則皇覽城家之流羊銜之李格非之所追述者也青祥譴告則向歆仲舒之

所占也至於范曄之紀馮炳之錄彬彬可考而茂
先史女稚川神仙時亦附見焉博稽綜要以網羅
一郡之廢墜亦劉子翬所謂史通者矣然余嘗竊
論之夜燈紅女鷄鳴操作與夫彈箏跼屐工文刻
繡之事何關治要而良史津津道之豈其臻化致理
之源山川風物政事文章有不能持之而嘗基於
一夫一婦之貞勤此三代國風之盛風風乎著於
儲載誠旦之篇治世之士讀之慨然有未能忘者
蘇侯理郡之三年民恬事舉以其餘力輯爲郡志
凡五十有六卷南寧當唐葉之盛猶迫於回邪奸

狡之蠻幾同草昧風聲氣習自北而南侏儻椎髻
者漸遠而後清夷淑朗文明日開蘇侯覽其山川
考其政事得毋有慨然於中而得治化之本者歟
我知蘇侯之言其跡者粗而所以致其意者則精
也常道將之志華陽也塗歌巷語拾而載之四百
年之間士女潔修有聞於世者輒肩接蹟迨其後
與埃壙同盡者多矣風之不永澤之不厚是足以
爲教乎今蘇侯之書宏綱其畢舉矣偏言曲說單
辭剩語固可得而略也臨是編者以我聞於常道
將之言合諸良史氏之旨上下千年其亦可以悠

然而思矣

通奉大夫廣西等處承宣布政使司布政使加三
級廣陵唐綬祖撰

南寧府志

原序

八

原序

天下山川阨塞人民戶口及人物選舉職官之類
具載志乘以備稽考志乘之作顧不重與一統誌
皇輿圖皆虔於

內府人罕得見大約芟除繁蕪歸於簡要降而省志則
稍詳矣然撮舉大綱取其要領至於纖悉則皆從
略蓋各有體裁也惟郡志爲一統志

皇輿圖之根本省誌所由出而完善者少非失之繁雜
卽失之掛漏著作之難自古爲然粵西僻處天末
文獻無徵雖欲網羅散佚纂輯舊聞其道無由昔

南寧府志

原序

九

年余分修粵西通誌未嘗不以此爲憾南寧郡在省
會之西南外控交夷內制蠻峒又地當孔道政務
殷繁官斯土者率不暇他及然半壁金湯於此焉
寄而諺又有小揚州之號豈非一大都會歟地重
則志亦重顧任其闕略可乎郡守蘇君來蒞是邦
又用三德政修人和爲

各憲所深器乃以其暇偕橫州姚牧上思州蔣牧
暨宣化宋令加意蒐討筆則筆削則削閱年餘而
書成凡五十有六卷爲綱十爲目八十爲圖十有
一誌中應有之條靡不秩然井然燦列眉而瞭指

掌且彬彬郁郁稱備美焉余奉

天子命司臬於茲凡通省之山川阨塞人民戶口及人物選舉職官之屬皆當如燭照數計不遺纖悉而後可得是編也可謂寔獲我心矣故因其請遂書以弁其端

皆

乾隆七年歲次壬戌孟秋廣西提刑按察使寶山
李錫秦撰

南寧府志

原序

十